



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

Quo dies primus et secundus continentur

Bolland, Johannes

Parisiis et Romae, 1866

Acta Breviora S. Leopardini Mon. Mart. Ex veteri Ms. Lectionario Abbatiae
S. Sulpitii apud Philippum Labbeum t. II Bibliothecæ libror. Mss. pag. 424
et seq.

[urn:nbn:de:hbz:466:1-73889](https://nbn-resolving.org/urn:nbn:de:hbz:466:1-73889)

ACTA

BREVIORA

S. LEOPARDINI MON. MART.

*Ex veteri Ms. Lectionario
Abbatie S. Sulpitii apud
Philippum Labbeum t. II
Bibliothecæ libror. Mss.
pag. 424 et seq.*

S. Leopardi-
nus e servo
monachus
factus.

a

b

B

c

d

e

f

cum suis in
S. Symphoria-
ni ecclesia Deo
servit, cujus,
cum ablata
bona repe-
ret,

C

g

Beatus Leopardinus, Arvernensis territorii accola, Clotarii a Francorum regis temporibus floruit. Huic extitit frater germanus sanctus Portianus b, quos prædives quidam tanquam vernaculos possidebat. Li cum vicinum quoddam monasterium identidem frequentarent, concepto altioris vitæ proposito, attonsi in monachos ab abbate recepti sunt c. Ubi cum per aliquot annos Deo pari mentis serviissent affectu, Beatus Leopardinus, audita S. Sulpitii d, Bituricæ civitatis archiepiscopi, fama, amplioris rei spe evocatus, obtenta fratris facultate, ad eundem venerabilem transit patrem, cum quo in Navensi cœnobio e non paucos transegit dies. Cum vero quodam tempore Leopardinus Sulpitio voluntatem agendæ in anachoresi pœnitentiæ insinuasset, approbata, pius pater, tam cari Sodalis voluntate, Vivariensem ei offerens fundum, et, quæ ipsi ventura erant, pronuntians, Vade, inquit, Dilecte Domini, de illius securus adjutorio : equidem ejusdem loci benevolum reperies possessorem : perfcies quoque, quod mente tractasti : verumtamen non hæc eadem absque vitæ tuæ dispendio conservabis f.

2 Egressus autem a sancto præsule ad fratrem suum venit, quem illius monasterii jam abbatem reperiens, eidem quomodo omnia ex animi sui sententia obvenissent, exposuit. Unde vero abscedens cum illic, quo tendebat, pervenisset, pro reverentia almi præsulis Sulpitii a clarissimo principe Ardeo dignissime susceptus, desiderii continuo sui compos efficitur. Ubi tantis postea refulsit virtutibus, ut in brevi fratrum multitudinem in extructa ibidem S. Symphoriani g basilica congregaret. Hæc autem ecclesia cum opportunis quibusque rebus liberalitate fidelium dotata foret, inter alia ipsius prædia, quidam erat magnæ amplitudinis campus, quem idem Sanctus cum fratribus, ut inde vitæ sibi necessaria compararent, excolebat. Bichildis vero, memorati principis uxor, nihil a mulierum detrahens ingenio, inscio absenteque viro, prædictum campum in suos suorum-

que deputat usus. Quem cum Vir sanctus re-
peret studiosius, illa, necem ejus machinata;
quendam ex monachis, Placidum nomine, in
suam traxit sententiam. Cum ergo quadam die
fratres, qui Colobero h residebant, visitasset,
in reditu Bichildis ministros, in suam perni-
ciam destinatos, offendit, a quibus de equo
præceps in terram actus, lorisque graviter mul-
tatus, ac demum impacta in caput securi non
mediocriter vulneratus est, sed divina illico sa-
natus ope ad monasterium citius rediit.

AUCTORE
ANONYMO.

h

5 Post breve rursus tempus rogatus a vidua
quodam, ut sanitatis sibi conferendæ gratia Ni-
vernensis territorii i quantocius tenderet fines,
licet suum jam imminere cerneret interitum,
petenti tamen, profecturum se maturius, re-
promisit. Convocatis itaque fratribus, singulos
ad observanda, quæ tradiderat, vitæ instituta
animavit, injunxitque præterea, ut quæ, Deo
propitio, et auctore sancto Sulpitio in eisdem
partibus susceperat a præfato principe, Navensi
monasterio jure perpetuo possidenda trans-
irent. Indulta igitur huic mulieri viduæ sanitate,
cum jam reverteretur, sævissimos, sicut prius,
passus est insidiatores, qui, impetu facto, di-
versa eum membrorum laceratione vexarunt,
nullaque tormentorum asperitate contenti, cap-
tæ tandem ipsius præciderunt k.

invidiæ mulie-
ris jussu oc-
ciditur.

i

k

ANNOTATA.

a Verosimilius hujus nominis I: vide dicta
num. 9 et seqq. Commentarii prævii.

b Colitur die 24 Novembris: vixit tempore
Clotarii I et Theoderici I: fuerint S. Leopardi-
ni frater, ob Acta sibi ipsis contraria haur
satis certum.

c Hæc Gregorius Turonensis, sæculo sexto de-
functus, de solo Portiano narrat lib. de Vitis
Patrum cap. 3.

d Nempe Pii seu Junioris: sed hujus ætas cum
Portiani ætate componi non potest. Vide dicta
num. 7 Commentarii prævii.

e In Bituricensi cœnobio, a S. Sulpitio Pio;
ut ferunt, condito: sed incertum, quo anno; vel
certe, quo Sulpitius illi, ut abbas, præesse cape-
rit. Vide dicta num. 54 Commentarii prævii.
Nunc S. Sulpitii dicitur.

f Hanc Sulpitii Pii prophetiam non memorat F
Vita prolixior.

g De Vivariensi monasterio, cujus conditor
S. Leopardinus fuit, vide num. 25 Commentarii
prævii: de S. Symphoriano Annotata in cap. 1.
Vitæ alterius litt. u.

h Vide Annotata in caput. 1 Vitæ prioris
litt. ii.

i Vide Annotata in caput 1 Vitæ prioris
litt. oo.

k Verosimilius non sæculo vii, quo S. Sulpi-
cius Pius floruit, sed jam inde a sæculo vi. Vide
Commentarium præv. § 1 a num. 9 et § 2
numm. 55 et seq.

